



BOSNA I HERCEGOVINA

БОСНА И ХЕРЦЕГОВИНА

**SUD BOSNE I HERCEGOVINE
СУД БОСНЕ И ХЕРЦЕГОВИНЕ**

Predmet broj: S1 2 K 031657 19 K
Datum objavljivanja: 09.03.2020. godine
Datum otpreme: 19.03.2020. godine

Pred sudskim vijećem u sastavu: sudija Radević Goran, predsjednik vijeća
sudija Strika Mirsad, član vijeća
sudija Mašović Hasija, članica vijeća

PREDMET TUŽILAŠTVA BOSNE I HERCEGOVINE

protiv optuženih

KOVAČEVIĆ BRANKA i
PRAVNE OSOBE "HORIZONT" DOO BANJA LUKA

PRESUDA

Tužilac Tužilaštva Bosne i Hercegovine: Nešković Ozrenka

Branitelj optuženog Kovačević Branka: Rakić Dejan, advokat iz Banja Luke
Zastupnik pravne osobe: Stojaković Đorđe, advokat iz Banja Luke

Predmet broj: S1 2 K 031657 19 K
Sarajevo, 09.03.2020. godine

U IME BOSNE I HERCEGOVINE

SUD BOSNE I HERCEGOVINE, u vijeću sastavljenom od sud.je Radević Gorana kao predsjednika vjeća, te sud.ja Strika Mirsada i Mašović Hasje kao članova vjeća, u krivičnom predmetu protiv optuženog KOVAČEVIĆ BRANKA i pravne osobe „HORIZONT“ doo Banja Luka, zbog produženog krivičnog cjela Porezna utaja ili prevara iz člana 210. stav 4. u vezi sa stavom 1., i u vezi sa članom 54. Krivičnog Zakona Bosne i Hercegovine (KZ BiH), povodom optužnice Tužilaštva BiH br.cj: T20 0 KTPO 0016998 19 od 27.09.2019. godine, kcja je potvrđena dana 30.09.2019. godine, nakon održanog ročišaza razmatranje sporazuma o priznanju krivice/odgovornosti i pretresa za izricanje krivičnopravne sankcije, u prisustvu tužioca Tužilaštva Bosne i Hercegovine Šuškić Ismeta, optuženog Kovačević Branka i njegovog branioca, advokata Rakić Dejana iz sarajeva, te zastupnika pravnog lica „Horizont“ doo Banja Luka, advokata Stcjaković Đorđa iz Banja Luke, dana 09.03.2020. godine, donio je i javno objavio

U IME BOSNE I HERCEGOVINE

P R E S U D U

I

Optuženi

KOVAČEVIĆ BRANKO, sin Uroša i Stane rođene Radanović, rođen 24.03.1972. godine u Bihacu, nastanjen u ..., po narodnosti ..., državljanin ..., JMBG: ..., po zanimanju diplomirani ekonomista, zaposlen u pravnom licu „HORIZONT“ d.o.o. Banja Luka kao direktor, oženjen, otac petoro djece od koje je troje maloljetno, pismen, VSS, srednjeg imovnog stanja, neosuđivan, ne vodi se drugi krivični postupak protiv njega,

K R I V J E

ŠTO JE:

kao odgovorno lice u pravnom licu „HORIZONT“ d.o.o. Banja Luka, u svojstvu direktora kao lica ovlaštenog za zastupanje subjekta upisa:

1. u poslovnoj-kalendarskoj 2016. godini, u ime i za račun pravnog lica „HORIZONT“ d.o.o. Banja Luka, sa namjerom i u cilju da izbjegne plaćanje poreza na dodatu vrijednost kao poreznog davanja propisanog Zakonom o porezu na dodatu vrijednost Bosne i Hercegovine („Službeni glasnik Bosne i Hercegovine“, br. 9/05, 35/05, 100/08 i 33/17) (Zakon o PDV-u) izvršenjem utaje poreza, svjestan i htijući da neizdavanjem avansnih faktura kupcima po svakom primljenom avansu po prometovanim nekretninama izbjegne obračunavanje izlaznog PDV-a, znajući da se na taj način izbjegava plaćanje tražene poreske obaveze učinjenjem poreske utaje i nanosi šteta budžetu BiH, pa je tako, ne pružajući zahtijevane podatke, odnosno pružanjem lažnih podataka o stečenim oporezivim prihodima i činjenicama koje su od uticaja na utvrđivanje iznosa poreskih obaveza koji se plaćaju po poreskom zakonodavstvu BiH, postupajući suprotno odredbama člana 3. stav (1) tačka 1.,

člana 4. stav (3) tačka 4., člana 17. stav (1) tačka 3. i člana 20. stav (1) Zakon o PDV-u, jer nije ispostavio avansne odnosno konačne fakture na osnovu razmjene dobara, niti izdao konačnu fakturu po osnovu prenosa stambenih jedinica i razmjene dobara, što je bio dužan prema članu 38. stav (2) i članu 39. stav (1) i (2) Zakona o PDV-u, te članu 110. stav (1) i članu 120. Pravilnika o primjeni zakona o porezu na dodatu vrijednost Bosne i Hercegovine („Službeni glasnik Bosne i Hercegovine“, br. 93/05, 21/06, 60/06, 06/07, 100/07, 35/08 i 65/10) (Pravilnik o primjeni Zakona o PDV-u) i to prema kupcima “078 Commerce“ po ugovoru broj OPU-460/13 od 27.03.2013. godine i aneksu ugovora broj OPU 2010/15 od 28.09.2015. godine, kupcu Topić Slavici po ugovoru broj OPU-967/14 od 02.06.20174. godine, kupcima Ćurković Zoranu i Ćurković Edini po ugovoru broj OPU-991/12 od 30.05.2012. godine, i kupcima Jusufbegović Selmom, Novalija Ademom, Novalija Avdom, Novalija Goranom, Novalija Mirsadam, Novalija Goranom, Novalija Sanjinom i Suljagić Senadom po ugovoru broj OPU-841/15 od 04.05.2015. godine, iako su kupci stana-prostora ušli u posjed, i tako na ostvareni promet dobara osnovice 748.779,00 KM izbjegao da izvrši obračun i plaćanje izlaznog PDV-a, ukupno u 2016. godini iznosa od 108.789,00 KM, na koji način je oštetiio budžet Bosne i Hercegovine u navedenom iznosu;

2. u poslovnoj-kalendarskoj 2017. godini, u ime i za račun pravnog lica „HORIZONT“ d.o.o. Banja Luka, sa namjerom i u cilju da izbjegne plaćanje poreza na dodatu vrijednost kao poreznog davanja propisanog Zakonom o PDV-u izvršenjem utaje poreza, svjestan i htijući da izdvanjem fakture kupcu sa klauzulom "oslobodeno plaćanja PDV-a na osnovu člana 25. stav (2) tačka 2. Zakona o PDV-u" izbjegne ispravku ulaznog PDV-a, znajući da se na taj način izbjegava plaćanje tražene poreske obaveze učinjenjem poreske utaje i nanosi šteta budžetu BiH, pa je tako, ne pružajući zahtijevane podatke odnosno pružanjem lažnih podataka o stečenim oporezivim prihodima i činjenicama koje su od uticaja na utvrđivanje iznosa poreskih obaveza koji se plaćaju po poreskom zakonodavstvu BiH, postupajući suprotno odredbama člana 4. stav (3) tačka 4. Zakona o PDV-u, izvršio prodaju poslovnog prostora kupcu „Routing“ d.o.o. Banja Luka u vrijednosti od 437.000,00 KM (ul. Jevrejska 50, Banja Luka), po fakturi broj 25/17 od 28.02.2017. godine, bez obračunavanja izlaznog poreza gdje se pozvao na član 25. stav (1) tačka 2. Zakona o PDV-u, a da je poslovni prostor u ulici Jevrejska br. 50 u Banjoj Luci u bruto bilansu evidentirao kao poslovni prostor u upotrebi u 2014. godini, u poreskom periodu 1409, te isti iznajmljivao u 2015. i 2016. godini, da bi ga u poreskom periodu 1702 prodao bez obračunavanja izlaznog poreza, a nije izvršio ispravku odbitka ulaznog poreza u iznosu od 44.574,00 KM koji je ostvario pri nabavci opreme i objekata za vršenje svoje poslovne djelatnosti, čime je postupio suprotno članu 36. stav (2) i članu 38. stav (2) Zakona o PDV-u, i tako umanjio iznos izlaznog PDV-a za obračun i plaćanje u poreskom periodu 1702 na ostvareni promet dobara u iznosu od 44.574,00 KM, na koji način je oštetiio budžet Bosne i Hercegovine u navedenom iznosu;
3. u poslovnoj kalendarskoj 2017. godini, u poreskom periodima 1702, 1703, 1704, 1705, 1707, 1708, 1710 i 1712, i u poslovnoj kalendarskoj 2018. godini, u poreskom periodu 1801, 1802 i 1803, u ime i za račun pravnog lica „HORIZONT“ d.o.o. Banja Luka, sa namjerom i u cilju da izbjegne plaćanje poreza na dodatu vrijednost kao poreznog davanja propisanog Zakonom o PDV-u izvršenjem utaje poreza, svjestan i htijući da neizdavanjem avansnih faktura kupcima po svakom primljenom avansu po prometovanim nekretninama izbjegne obračunavanje izlaznog PDV-a, znajući da se na taj način izbjegava plaćanje tražene poreske obaveze učinjenjem poreske utaje i nanosi šteta budžetu BiH, pa je tako, ne pružajući zahtijevane podatke odnosno pružanjem lažnih podataka o stečenim oporezivim prihodima i činjenicama koje su od uticaja na utvrđivanje iznosa poreskih obaveza koji se plaćaju po poreskom zakonodavstvu BiH, postupajući suprotno članu 17. stav (1) tačka 1., 2. i 3. Zakona o PDV-u, odnosno nije u KIF-u i PDV prijavama samooporezivanja evidentirao primljene uplate na žiro račun (avanse), od fizičkih lica-

građana, a koji se odnose na unaprijed uplaćena sredstva za stanove i garaže u izgradnji, za koje poreski obveznik ima uredno evidentirane uplate preko izvoda žiro računa kao i na kontu - 4302 - primljeni avansi od drugih pravnih lica i fizičkih lica i zemlji propustio da izda avansne fakture svojim kupcima stanova za uplaćene avanse u 2017. i 2018. godini i to kupcu Jovašević Slobodanu po ugovoru br. 336/17 od 16.02.2017. godine, kupcu Zec Dušanki po ugovoru br. OPU-418/17 od 27.02.2017. godine, kupcu Ilić Dragani po ugovoru br. OPU-217/17 od 28.02.2017. godine, kupcu Vržina Ireni po ugovoru br. OPU-217/17 od 28.02.2017. godine, kupcu Tegeltija Zoranu po ugovoru br. OPU-1023/17 od 11.05.2017. godine, kupcu Ninković Danijeli po ugovoru br. OPU-1594/17 od 24.07.2017. godine, kupcu Zagorac Igoru po ugovoru br. OPU-915/15 od 13.05.2015. godine, kupcu Janković Zoranu po ugovoru br. OPU-2046/17 od 04.10.2017. godine, kupcu Smiljanić Goranu po ugovoru br. OPU-2509/17 od 19.12.2018. godine i kupcu Ninković Danijeli po ugovoru br. 2124/17 od 27.12.2017. godine, što je bio dužan prema odredbama člana 55., člana 38. stav (2) i 39. stav (1) Zakona o PDV-u, tako da iste nije fakturisao, niti je na isti obračunao i prijavio pripadajući iznos PDV-a u ukupnom iznosu na 652.735,00 KM osnovice PDV u iznosu od 94.834,00 KM za 2017. godinu i u ukupnom iznosu na 314.000,00 KM osnovice PDV u iznosu od 45.631,00 KM za 2018. godinu, na koji način je oštetio budžet Bosne i Hercegovine u navedenim iznosima;

4. u poslovnoj kalendarskoj 2017. godini, u poreskom periodu 1704, u ime i za račun pravnog lica „HORIZONT“ d.o.o. Banja Luka, sa namjerom i u cilju da izbjegne plaćanje poreza na dodatu vrijednost kao poreznog davanja propisanog Zakonom o PDV-u izvršenjem utaje poreza, svjestan i htijući da izdavanjem fakture od strane lica KOVAČEVIĆ BRANKO, ID broj ... kao prodavca, koje lice nije poreski obveznik u smislu Zakona o PDV-u ostvari pravo na odbitak ulaznog PDV-a iako na to nije imao pravo, znajući da se na taj način izbjegava plaćanje tražene poreske obaveze učinjenjem poreske utaje i nanosi šteta budžetu BiH, pa je tako, pružanjem lažnih podataka o stečenim oporezivim prihodima i činjenicama koje su od uticaja na utvrđivanje iznosa poreskih obaveza koji se plaćaju po poreskom zakonodavstvu BiH, u KUF za april 2017. godine, pod rednim brojem 65. KUF-a, i unio u PDV prijavu za poreski period 1704, evidentirao ulaznu fakturu broj 01/17 od 28.04.2017. godine na iznos od 380.000,00 KM - osnovica i PDV u iznosu od 64.600,00 KM (ukupno 444.600 KM), izdanu od strane KOVAČEVIĆ BRANKO, ID broj ..., koju je poreski obveznik „HORIZONT“ d.o.o. Banja Luka koristio sa pravom odbitka ulaznog PDV-a, po osnovu ugovora o kupoprodaji nekretnina od 28.04.2018. godine, zaključenog između Kovačević (Uroš) Branka i „HORIZONT“ d.o.o. Banja Luka, zastupanog po Kovačević (Uroš) Branko - odgovorno lice u pravnom licu „HORIZONT“ d.o.o. Banja Luka, za kupovinu/prodaju deset garaža i magacinskog prostora, u objektu u ulici Nikole Pašića br. 18 u Banjoj Luci, na zemljištu označenom kao k.č. broj 3993/1 k.o. Banja Luka 7 (novi premjer), izgrađenom po osnovu rješenja Gradske uprave grada Banjaluka (građevinske dozvole) br. 03-361-8/11 od 07.09.2011. godine i izdatog rješenja o upotrebnoj dozvoli Gradske uprave grada Banjaluka br. 03-361-36/13 od 17.09.2015. godine, a znajući da su garaže su prodane i čiji promet je izvršen u prethodnom periodu, čime je postupio suprotno članu 32. stav (9) Zakona o PDV-u i članu 55. stav (3) Zakona o PDV-u te članu 120. Pravilnika o primjeni Zakona o PDV-u, kojim radnjama je pravnom licu „HORIZONT“ d.o.o. Banja Luka omogućio neosnovan odbitak ulaznog PDV-a, i umanjeње poreske obaveze u poreskom periodu 1704 u iznosu od 64.600,00 KM, na koji način je oštetio budžet Bosne i Hercegovine u navedenom iznosu,

Optužena pravna osoba

„HORIZONT“ Banja Luka, društvo sa ograničenom odgovornošću za razvoj projekata o nekretninama Banja Luka, sa registrovanim sjedištem u Banjoj Luci, ul. Srđe Zlopogleđe br. 77b, ID ..., upisano u sudski registar pravnih lica rješenjem o registraciji Osnovnog suda u Banjoj Luci

br. U/I 978/04 od 01.06.2004. godine, dok je rješenjem Okružnog privrednog suda u Banjoj Luci br. 057-0-Reg-14-000812 od 02.04.2014. godine kao osnivač i lice ovlašteno za zastupanje subjekta upisa upisan Kovačević Branko kao direktor,

ODGOVORNA JE

ŠTO JE,

Raspolagala protivpravno ostvarenom imovinskom koristi u iznosu od 358.428,00 KM koju je u ime, za račun i u korist iste ostvario Kovačević Branko kao odgovorno lice u pravnom licu „HORIZONT“ d.o.o. Banja Luka u svojstvu direktora kao lica ovlaštenog za zastupanje subjekta upisa, na način opisan u tač. 1. do 4. izreke presude,

ČIME SU,

Optuženi Kovačević Branko počinio produženo krivično djelo Porezna utaja ili prevara iz člana 210. stav 4. u vezi sa stavom 1. i sve u vezi sa članom 54. Krivičnog zakona Bosne i Hercegovine, a optužena pravna osoba "HORIZONT" d.o.o. Banja Luka produženo krivično djelo Porezna utaja ili prevara iz člana 210. stav 4. u vezi sa stavom 1. i članovima 54. i 124. stav 1. tačka c. KZ BiH.

Pa Sud na osnovu usvojenih spoarzuma o priznanju krivnje optuženih:

1. **Optuženom Kovačević Branku**, primjenom navedenih zakonskih odredbi i na osnovu odredbi člana 39., 40, 42. i 48. Krivičnog zakona BiH, primjenjujući odredbe o ublažavanju kazne u smislu člana 49. i 50. KZ BiH, **i z r i č e**

KAZNU ZATVORA U TRAJANJU OD JEDNE (1) GODINE

Na osnovu člana 41. i 46. Krivičnog Zakona BiH optuženom se kao sporedna **i z r i č e**:

NOVČANA KAZNA U IZNOSU OD 10.000,00 KM (DESET HILJADA KONVERTIBILNIH MARAKA)

koju kaznu je optuženi dužan platiti u roku od 6 (šest) mjeseci od dana pravosnažnosti presude.

Ukoliko djelimično ili u cjelosti optuženi ne plati izrečenu novčanu kaznu u datom roku, na osnovu odredbi člana 47. Krivičnog zakona BiH, novčana kazna će se zamjeniti kaznom zatvora, tako što će se za svakih započelih 100,00 KM novčane kazne odrediti jedan dan zatvora, s tim da ne može prekoračiti propisanu kaznu za to djelo, a ako se isplati samo dio novčane kazne, ostatak će se srazmjerno pretvoriti u kaznu zatvora.

2. **Optuženoj pravnoj osobi "HORIZONT" d.o.o. Banja Luka**, primjenom odredbi člana 131., 132. i 135. Krivičnog zakona Bosne i Hercegovine **i z r i č e**

NOVČANU KAZNU U IZNOSU OD 15.000,00 KM (PETNAEST HILJADA KONVERTIBILNIH MARAKA)

koju novčanu kaznu je optužena pravna osoba dužna platiti u roku od šest (6) mjeseci od dana pravosnažnosti presude, a u slučaju da se novčana kazna ne uplati u roku koji je utvrđen ovom presudom, bez odgađanja će se sprovesti postupak prinudne naplate, u skladu sa članom 132. stav 3. KZ BiH.

Na osnovu člana 188. stav 1. Zakona o krivičnom postupku Bosne i Hercegovine, optuženi Kovačević Branko se obavezuje na naknadu troškova krivičnog postupka u iznosu od 1.193,00 KM, i sudskog paušala u visini od 100,00 KM, koje je dužan platiti u roku od 60 (šestdeset) dana od dostave ove presude, pod prijetnjom prinudnog izvršenja.

O b r a z l o Ź e n j e

I – Optužba

Optužnicom Tužilaštva Bosne i Hercegovine (u daljem tekstu: Tužilaštvo BiH, Tužilaštvo), broj: T20 0 KTPO 0016998 19 od 27.09.2019. godine, optuženi su Kovačević Branko i pravna osoba „Horizont“ doo Banja Luka da su počinili krivično djelo Porezna utaja ili prevara iz člana 210. stav 4. u vezi sa stavom 1., i u vezi sa članom 54. Krivičnog Zakona Bosne i Hercegovine. Sudija za prethodno saslušanje potvrdio je optužnicu dana 30.09.2019. godine, nakon čega su se optuženi i pravno lice, putem zastupnika, na ročištu za izjašnjenje o krivinji, održanom dana 13.11.2019. godine, izjasnili da nisu krivi/odgovorni za krivično djelo koje im se stavlja na teret, te je predmet upućen sudećem vijeću radi zakazivanja i održavanja glavnog pretresa koji je dana 20.01.2020. godine čitanjem predmetne optužnice i započeo.

II - Sporazum o priznanju krivnje

Sud je u toku postupka, dana 26.02.2020. godine, zaprimio sporazume o priznanju krivnje/odgovornosti, broj T20 0 KTPO 0016998 19 od 25.02.2020. godine, koji su optuženi Kovačević Branko, zastupan po braniocu advokatu Rakić Dejanu, i pravna osoba Horizont doo Banja Luka, zastupana po zakonskom zastupniku Stojaković Đorđu, zaključili sa postupajućim tužiocem Tužilaštvom BiH. Optuženi Kovačević Branko i pravna osoba „Horizont“ doo Banja Luka, putem zastupnika, su sporazumom priznali krivicu/odgovornost za krivično djelo opisano u predmetnoj optužnici, odnosno počinjenje krivičnog djela Porezna utaja ili prevara iz člana 210. stav 4. u vezi sa stavom 1. i u vezi sa članom 54. KZ BiH.

Zaključenim sporazumom optuženi Kovačević Branko prihvatio je da mu se za navedeno krivično djelo izrekne kazna zatvora u trajanju odjedne (1) godine, te kao sporedna novčana kazna u iznosu od 10.000,00 KM, a pravna osoba „Horizont“ doo Banja Luka, prihvatila izricanje novčane kazne u iznosu od 15.000,00 KM. Za pravnu osobu „Horizont“ doo Banja Luka stranke su u sporazumu potvrdile da je protivpravna imovinska korist pribavljenja krivičnim djelom u potpunosti izmirena prema oštećenoj Bosni i Hercegovini, te je u prilogu dostavljeno Uvjerenje Uprave za indirektno oporezivanje BiH kojim se potvrđuje da poreski obaveznik „Horizont“ doo Banja Luka nema dospelih a neizmirenih obaveza po osnovu indirektnih poreza.

Na kraju, sporazumima je dogovoreno da optuženi Kovačević Branko i pravna osoba „Horizont“ doo Banja Luka solidarno nadoknade troškove krivičnog postupka koje je Tužilaštvo imalo u istrazi u iznosu od 1.000,00 KM.

III - Ročište radi razmatranja sporazuma o priznanju krivnje

Na održanom ročištu za razmatranje sporazuma o priznanju krivice/odgovornosti Sud je, na osnovu odredbe člana 231. stav 6. ZKP BiH ispitao da li su ispunjeni svi uslovi propisani tač. a) do e) navedene odredbe. U tom smislu Sud je utvrdio da su optuženi zaključili sporazum dobrovoljno,

svjesno i sa razumijevanjem, nakon što su upoznati sa mogućim posljedicama, koje se odnose na činjenicu da ne mogu uložiti žalbu na vrstu procesa i sankcije koje su dogovorene sporazumom, uključujući i posljedice vezane za troškove krivičnog postupka. Konačno, Sud je ispitao i da li su predložene krivičnopravne sankcije u skladu sa odredbom člana 231. stav 3. ZKP BiH.

IV - Dokazi

Na održanom ročištu pred Sudom su sadržajno izneseni i u sudski spis uvršteni sljedeći dokazi optužbe koji se odnose na krivično djelo za koje se optuženi terete, i to: Akt Uprave za indirektno oporezivanje (UIO) - Regionalni centar (RC) Banja Luka broj: 04/5-2/1-18-7-75-190/17 od 07.03.2017. godine - Obavještenje o počinjenom prekršaju koji ima elemente krivičnog djela od 07.03.2017. godine, sa pripadajućim Zapisnikom o kontroli broj: 04/5-2/1-17-1-55-139-1/17 od 22.02.2017. godine, i dokumentacijom; Službena zabilješka UIO - RC Banja Luka broj: 05/4-3/1-1168/int/17 od 19.06.2017. godine; Akt Odsjeka za poreze, RC Banja Luka UIO BiH broj: 04/5-2/1-18-7-75-336/18 od 20.07.2018. godine - Obavještenje o počinjenom prekršaju koji ima elemente krivičnog djela, broj: 04/5-2/1-17-1-55-444-5/17 od 20.07.2018. godine, sa sa Zapisnikom o kontroli broj: 04/5-2/1-17-1-55-444-1/18 od 14.06.2018. godine i pripadajućim Rješenjem broj: 04/5-2/1-17-1-55-444-2/18 od 10.07.2018. godine, te fakturam i ugovorom u prilogu, Akt Odsjeka za provođenje propisa, RC Banja Luka, broj: 05/4-3/1-18-7-75-190-2/17 od 07.06.2017. godine sa aktom Odsjeka za poreze RC Banja Luka broj: 04/5-2/1-18-7-75-190-3/17 od 13.06.2017. godine, Akt Odsjeka za provođenje propisa, RC Banja Luka, broj: 05/4-3/1-18-3-70-534/17 od 31.07.2017. godine sa aktom Odsjeka za poreze RC Banja Luka broj: 04/5/1-18-3-70-534-2/17 od 03.08.2017. godine, sa prilogom, Akt Odsjeka za provođenje propisa, RC Banja Luka, broj: 05/4-3/1-18-3-70-535/17 od 31.07.2017. godine sa aktom Odsjeka za poreze RC Banja Luka, broj: 04/5-1-18-3-70-535-2/16 od 03.08.2017. godine, sa prilogom, Akt Odsjeka za provođenje propisa, RC Banja Luka, broj: 05/4-3/1-18-7-75-190-4/17 od 30.05.2018. godine sa aktom Odsjeka za poreze RC Banja Luka broj: 04/5-2/1-187-75-190-5/17 od 13.06.2018. godine, Akt Odsjeka za provođenje propisa, RC Banja Luka broj: 05/4-3/1-18-7-75-336-5/18 od 22.10.2018. godine, sa aktom Odsjeka za poreze RC Banja Luka broj: 04/5-2/1-18-7-75-336-6/18 od 19.11.2018. godine, Akt Odsjeka za provođenje propisa, RC Banja Luka broj: 05/4-3/1-18-7-75-190-8/18 od 22.10.2018. godine, sa aktom Odsjeka za poreze RC Banja Luka broj: 04/5-2/1-18-7-75-190/17 od 29.10.2018. godine, Akt Odsjeka za poreze RC Banja Luka, aktom broj: 04/5/1-17-1-42-298/18 od 13.09.2018. godine sa aktom Odsjeka za provođenje propisa RC Banja Luka, broj: 05/4-3/1-18-7-75-336-2/18 od 18.09.2018. godine, Akt Odsjeka za provođenje propisa, RC Banja Luka, broj: 05/4-3/1-18-7-75-190-6/17 od 18.09.2018. godine sa aktom Odsjeka za poreze RC Banja Luka broj: 04/5-2/1-18-7-75-190-7/17 od 20.09.2018. godine, Akt Odsjeka za provođenje propisa, RC Banja Luka, broj: 05/4-3/1-18-3-70-586/18 od 18.09.2018. godine, sa urgencijom od 22.10.2018. godine, putem akta broj: 05/4-3/1-18-3-70-586-2/18. Ista je dostavljena putem akta Odsjeka za poreze RC Banja Luka broj: 04/5-18-3-70-586-3/18 od 26.10.2018.godine, Akt Odsjeka za provođenje propisa, RC Banja Luka, broj: 05/4-3/1-18-7-75-336-3/18 od 19.09.2018. godine sa aktom Odsjeka za poreze RC Banja Luka broj: 04/5-2/1-18-7-75-336-4/18 od 02.10.2018. godine, sa dokumentacijom u prilogu, Akt Odsjeka za provođenje propisa, RC Banja Luka, broj: 05/4-3/1-18-3-70-594/18 od 19.09.2018. godine sa aktom Odsjeka za poreze RC Banja Luka. broj: 04/5/1-18-3-70-594-2/18 od 24.09.2018. godine, Akt Odsjeka za provođenje propisa, RC Banja Luka, broj: 05/4-3/1-18-3-70-595/18 od 19.09.2018. godine sa aktom Odsjeka za poreze RC Banja Luka, broj: 04/5-1-1 8-3-70-595-2/18 od 25.09.2018. godine, sa prilogom, Akt Odsjeka za provođenje propisa, RC Banja Luka, broj: 05/4-3/F-18-3-70-596/18 od 19.09.2018. sa aktom Odsjeka za poreze RC Banja Luka, broj: 04/5-2/1-18-3-70-596-2/18 od 02.10.2018. godine, sa prilogom, Akt Odsjeka za provođenje propisa, RC Banja Luka, broj: 05/4-3/1-18-3-70-633/18 od 10.10.2018. godine sa aktom Okružnog privrednog suda broj: 057-0-Reg-Z-18-003972 od 11.10.2018. godine (zaprimljeno pod

brojem protokola UTO RC Banja Luka broj: 05/4- 18-3-70-633-2/18 od 15.10.2018. godine, Akt Odsjeka za provođenje propisa, RC Banja Luka, broj: 05/4-3/1-18-3-701-660/18 od 24.10.2018. godine sa aktom Odsjeka za poreze RC Banja Luka broj: 04/5-1-18-3-70-660-2/18 od 31.10.2018. godine, Ispis iz Integrisani sistem indirektnih poreza (ISIP) za „HORIZONT" d.o.o. Banja Luka ID broj ..., Banja Luka, Ispis Zahtjeva za registraciju i upis u Jedinostveni registar obveznika indirektnih poreza (ALICE) za „HORIZONT" d.o.o. Banja Luka, ID broj ...; KOVAČEVIĆ BRANKO, ID broj ... i „FIRERA' doo, TD ..., Banja Luka, Akt Suda Bosne i Hercegovine br. S1 2 K 031657 19 Krn od 06.03.2019. godine, Izvještaj UIO – RC Banja Luka o izvršenju naredbe suda br. 05/4-3/I-09-2-157/19 od 26.02.2019. godine, Naredba Suda Bosne i Hercegovine broj S1 2 K 031657 19 Krn od 13.02.2019. godine, Potvrda UIO - Regionalni centar (RC) Banja Luka o privremenom oduzimanju predmeta – dokumentacije br. 05/4-3/I-18-7-76-21/19 od 25.02.2019. godine, Zapisnik UIO - Regionalni centar (RC) Banja Luka o privremenom oduzimanju predmeta – dokumentacije br. 05/4-3/I-18-7-76-21-2/19 od 25.02.2019. godine, Naredba Suda Bosne i Hercegovine broj S1 2 K 031657 19 Krn od 13.02.2019. godine, Potvrda UIO - Regionalni centar (RC) Banja Luka o privremenom oduzimanju predmeta – dokumentacije br. 05/4-3/I-18-7-76-22/19 od 25.02.2019. godine, Zapisnik UIO - Regionalni centar (RC) Banja Luka o privremenom oduzimanju predmeta – dokumentacije br. 05/4-3/I-18-7-76-22-2/19 od 25.02.2019. godine, Zapisnik Tužilaštva Bosne i Hercegovine broj T20 0 KTPO 0016998 19 od 18.03.2019. godine o otvaranju privremeno oduzetih predmeta i dokumentacije, Rješenje grada Banja Luka broj: 03-361-8/11 od 07.09.2011. godine; Rješenje grada Banja Luka broj : 03-361-36/13 od 17.09.2015. godine; Knjiga izlaznih faktura na ime Kovačević Branko, Banja Luka, počevši od avansne fakture broj 01/08 od 08.01.2008. godine, zaključno sa konačnom fakturom broj 02/16 od 12.05.2016. godine; Notarski obrađen ugovor o prodaji garažnih mjesta zaključen između Kovačević Branka i „Tvornica opekarskih proizvoda“ a.d. Banja Luka od 26.03.2012. godine, ovjera notara Gorana Golića iz Banja Luke broj: OPU-586/2012; Avansna faktura broj 01/15 od 16.09.2015. godine dobavljača Branka Kovačevića; Avansna faktura broj 05/12 od 05.06.2012. godine dobavljača Branka Kovačevića sa kopijom izvoda broja štednog računa na ime Branko Kovačević otvorenog u Novoj banci, filijala Banja Luka broj 555-280-10104273-44; Izjava o prebijanju (kompenzaciji) broj 131-2015 od 30.09.2015. godine između „tvornice opekarskih proizvoda“ Banja Luka i Kovačević Branka; Konačna faktura broj 03/15 od 16.09.2015. dobavljača Branka Kovačevića u čijem prilogu se nalazi i storno avansnih faktura od 16.09.2015. godine; Ugovor o prodaji poslovnog prostora zaključen između Kovačević Branka kao prodavca i Petrović Danila i Radmanović-Petrović Borjane kao kupaca, notarski obrađen od strane notara Gorana Golića iz Banja Luke, broj OPU-1719/2013 od 14.10.2013. godine; Storno avansnih faktura od 28.11.2014 dobavljača Branka Kovačevića; Konačna faktura broj 11/14 od 28.11.2014.godine dobavljača Branka Kovačevića; Avansna faktura broj 03/13 od 15.01.2013. godine dobavljača Branka Kovačevića; Avansna faktura broj 12/12 od 17.09.2012. godine dobavljača Branka Kovačevića u čijem prilogu se nalazi kopija štedne knjižice Hypo alpe adria grupe sa početnim datumom 15.08.2012. godine; Avansna faktura broj 2/14 od 31.01.2014. godine dobavljača Branka Kovačevića u čijem prilogu se nalazi kopija uplatnice Hypo alpe adria Banke od 27.01.2014. godine sa kopijom štedne knjižice iste banke; Avansna faktura broj 5/11 od 05.09.2011. godine dobavljača Branka Kovačevića u čijem prilogu se nalazi kopija knjižice Hypo alpe adria banke sa označenim datumom 17.08.2011; Avansna faktura broj 8/12 od 10.07.2012. godine dobavljača Branka Kovačevića u čijem prilogu se nalazi kopija štedne knjižice Hypo alpe adria banke serijskog broj 043482; Avansna faktura broj 13/12 od 05.10.2012. godine dobavljača Branka Kovačevića u čijem prilogu se nalazi kopija knjižice Hypo alpe adria banke sa označenim datumom 14.09.2012; Avansna faktura broj 12/13 od 15.08.2013. godine dobavljača Branka Kovačevića u čijem prilogu se nalazi avansna faktura broj 7/13 od 22.06.2013. godine sa prilogom kopija knjižice Hypo alpe adria banke sa označenim datumima 10.06.2013, i 23.07.2013. godine; Avansna faktura broj 13/13 od 13.09.2013. godine dobavljača Branka Kovačevića u čijem prilogu se nalazi kopija knjižice Hypo alpe adria banke sa označenim datumom 12.09.2013; Avansna faktura broj 15/13 od 16.10.2013. godine dobavljača Branka Kovačevića u čijem prilogu se nalazi kopija knjižice Hypo alpe adria banke sa označenim

datumima 09.07.2012. i 12.07.2012. godine i rukom ispisana ceduljica na kojoj plavom hemijskom olovkom u rukopisu ispisano 12.07.2012. = plaćeno Petrović Danilo 5.000,00 KM – fakturisano 16.10.2013. godine; Avansna faktura broj 3/14 od 19.02.2014. godine dobavljača Branka Kovačevića u čijem prilogu se nalazi kopija knjižice Nove banke sa označenim datumom 13.02.2014; Avansna faktura broj 11/13 od 14.08.2013. godine dobavljača Branka Kovačevića u čijem prilogu se nalazi kopija knjižice Hypo alpe adria banke sa označenim datumom 09.08.2013; Ugovor o prodaji stanova u izgradnji zaključen između Kovačević Branka i Đurđević Voje, notarski obrađena od strane notara Gorana Golića iz Banja Luke broj otpravka OPU-1195/2012 od 02.07.2012. godine; Avansne fakture dobavljača Branka Kovačevića broj 10/12 od 10.07.2012. godine, 9/12 od 10.07.2012 godine, 4/13 od 28.02.2013. godine, 15/12 od 10.10.2012. godine, 7/12 od 03.07.2012. godine, 16/13 od 14.10.2013. godine; Konačna faktura dobavljača Branka Kovačevića broj 04/15 od 24.11.2015. godine; Ugovor o prodaji dva stana i dva garažna mjesta zaključen između Kovačević Branka i Šarić Danijela, obrađen u formi notarske isprave broj ovjere OPU-1071/2013 od 02.07.2013. godine notara Gorana Golića iz Banja Luke; Konačna faktura dobavljača Branka Kovačevića broj 06/14 od 26.11.2014. godine u čijem prilogu se nalazi sporno avansnih faktura od 26.11.2014. godine; Avansne fakture Branka Kovačevića broj 9/13 od 24.07.2013, 6/11 od 05.09.2011, 01/11 od 25.01.2011, 02/12 od 10.01.2012, i 01/12 od 04.01.2012 godine; Ugovor o prodaji garažnih mjesta zaključen između Branka Kovačevića i Branislava Rakića, obrađen u formi notarski obrađene isprave, broj ovjere OPU-921/2013 od 10.06.2013. godine; Avansna faktura dobavljača Branka Kovačevića broj 8/13 od 13.07.2013. godine u čijem prilogu se nalazi kopija knjižice Nove banke; Konačna faktura dobavljača Branka Kovačevića broj 13/14 od 28.11.2014. godine u čijem prilogu se nalazi sporno avansnih faktura od 28.11.2014. godine; Konačna faktura broj 26/18 od 30.05.2018. godine dobavljač „HORIZONT“ doo Banja Luka; Storno avansnih faktura broj 04/18 od 30.05.2018. godine, dobavljač „HORIZONT“ d.o.o. Banja Luka; Višestruka analitika od datuma 01.01.2018. do 31.12.2018. godine preduzeća-zadruga „HORIZONT“ d.o.o. Banja Luka, 2010 potraživanja od kupaca iz Republike Srpske; Višestruka analitika od datuma 01.01.2018. do 31.12.2018. godine preduzeća-zadruga „HORIZONT“ d.o.o. Banja Luka, 4302 primljeni avansi od drugih pravnih i fizičkih lica u zemlji; Višestruka analitika od datuma 01.01.2017. do 31.12.2017. godine preduzeća-zadruga „HORIZONT“ d.o.o. Banja Luka, 4302 primljeni avansi od drugih pravnih i fizičkih lica u zemlji; Višestruka analitika od datuma 01.01.2016. do 31.12.2016. godine preduzeća-zadruga „HORIZONT“ d.o.o. Banja Luka, 4302 primljeni avansi od drugih pravnih i fizičkih lica u zemlji; Višestruka analitika od datuma 01.01.2015. do 31.12.2015. godine preduzeća-zadruga „HORIZONT“ d.o.o. Banja Luka, 4302 primljeni avansi od drugih pravnih i fizičkih lica u zemlji; Višestruka analitika od datuma 01.01.2014. do 31.12.2014. godine preduzeća-zadruga „HORIZONT“ d.o.o. Banja Luka, 4302 primljeni avansi od drugih pravnih i fizičkih lica u zemlji, (dva dokumenta sa istim datumom); Ugovor o zajedničkom ulaganju između pravnih lica „HORIZONT“ d.o.o. Banja Luka i „078 comerce“ d.o.o. Banja Luka zaključen dana 27.03.2013. godine, ovjeren od strane notara Gorana Golića, OPU broj 460/2013 od 27.03.2013. godine; Aneks ugovora o zajedničkom ulaganju broj OPU-460/2013 od 27.03.2013. godine, na zahtjev stranaka „HORIZONT“ d.o.o. Banja Luka i „078 comerc“ d.o.o. Banja Luka, od 28.09.2015. godine, ovjeren od strane notara Gorana Golića, OPU broj 2010/2015 od 28.09.2015. godine; Izvod broj 54 Nove banke o promjenama sredstava na računu „HORIZONT“ d.o.o. Banja Luka od 10.09.2015. godine, sa ukupnim brojem stranica 4; Izvod broj 148 Nove banke o promjenama sredstava na računu „HORIZONT“ d.o.o. Banja Luka dana 26.12.2013. godine; Izvod računa Nova banka AD Banja Luka broj 555-007-00225690-53, broj izvoda 46 od 22.04.2013. godine – pravnog lica „HORIZONT“ d.o.o. Banja Luka; Izvod broj 146 Nove banke o promjenama sredstava na računu dana 24.12.2013. godine za pravno lice „HORIZONT“ d.o.o. Banja Luka; Izvod računa Nove banke broj 555-007-00225690-53, broj izvoda 35 od 28.03.2013. godine, pravnog lica „HORIZONT“ d.o.o. Banja Luka; Kartica kupca Milan Kurda sa primljenim avansima za 2018 i 2017 sa priložima notarski obrađenim ugovorima broj OPU-2124/2017 od 27.12.2017. godine, izvodom broj 16 NLB banke od 13.02.2018. godine, izvodom broj 24 od 01.03.2018, izvodom broj

116 od 28.12.2017. godine, izvodom broj 14 od 06.02.2018, izvodom broj 19 od 21.02.2018, izvodom broj 26 od 16.03.2018, i izvodom broj 28 od 20.03.2018 zajedno sa avansnim fakturama broj 35/18 od 31.10.2018, 34/18 od 31.10.2018, i 32/18 od 31.10.2018; Kartica kupca Jovašević Slobodan za 2018 sa notarski obrađenim ugovorima broj OPU-336/2017 od 06.02.2017. godine, i izvodom broj 8 Nove banke od 16.02.2017. godine, i konačnom fakturom broj 72/18 od 31.10.2018. godine; Kartica primljenih avansa na ime Irena i Bojan Vržina za 2015, 16, 17 i 18 godinu, dva notarski obrađena ugovora broj OPU 2464/2015 i OPU-406/2016 zajedno sa izvodom iz NLB banke broj 15 od 14.03.2017. godine i avansnom fakturom broj 27/18 od 31.10.2018.g. Kartica kupca Zoran Janković za 2016 i 17 godinu zajedno sa karticom primljenih avansa za 2017 i 2018 godinu, notarski obrađen ugovor broj OPU-2046/2017, izvod broj 77 od 04.10.2017. i avansna faktura broj 31/2018; Kartica kupca na ime Zec Dušica za 2017 i 2018 godinu, notarski obrađen ugovor broj OPU-418/2017, izvod iz NLB banke broj 94 od 09.11.2017. godine, i avansna faktura broj 25/18 od 31.10.2018; Kartica kupca Novalija Goran za 2016 godinu, sa karticom primljenih avansa za 2016 godinu, i karticom kupca za 2018 godinu, notarski obrađen ugovor broj OPU-1165/2016 i konačnom fakturom broj 28/12 od 30.05.2018. godine; Kartica kupca Zoran Tegeltija za 2017 godinu, notarski obrađen ugovor broj OPU-1023/2017, izvod broj 38 od 25.05.2017. NLB banke i avansna faktura broj 29/18 od 31.10.2018. godine; Kartica kupca na ime Danijela Ninković za 2018 godinu, sa karticom primljenih avansa za 2017 i 2018 godinu, notarski obrađen ugovor broj OPU-1594/2017, izvod broj 21 od 31.07.2017. Nove banke i konačna faktura broj 73/18 od 31.10.2018. godine; Kartica kupca na ime Goran Smiljanić za 2018 godinu, sa notarski obrađenim ugovorom broj OPU-2509/2017, i izvodom broj 7 od 24.01.2018. NLB banke zajedno sa avansnom fakturom broj 33/18 od 31.10.2018. godine; Kartica kupca na ime Ćurković Vedran za 2018 godinu, zajedno sa notarski obrađenim ugovorima broj OPU-991/2012, OPU-1448/2013 i OPU-991/2012-1 zajedno sa konačnom fakturom broj 27/18 od 30.05.2018. godine; Kartica kupca na ime Topić Slavica za 2018 godinu, zajedno sa notarski obrađenim ugovorom broj OPU-2967/2014, izjavom o kompenzaciji od 31.12.2018 godine i konačnom fakturom broj 29/18 od 30.05.2018. godine; Kartica kupca na ime Zagorac Igor za 2015, 2016, 2017 i 2018, zajedno sa izvodom broj 29 od 15.08.2017. Komercijalne banke Banja Luka, notarskim obrađenim ugovorom broj OPU-915/2015 i avansnom fakturom broj 30/18 od 31.10.2018. godine; Kartica kupca na ime Ilić Dragana za 2018 godinu, zajedno sa izvodima NLB banke broj 22 od 03.04.2017, i 11 od 01.03.2017, notarski obrađen ugovor broj OPU-217/2017 i dvije avansne fakture broj 26/18 od 31.10.2018. i 28/18 od 31.10.2018. godine; Kartica kupca „Rouding“ d.o.o. Banja Luka za 2016, 2017 i 2018 godinu sa karticom primljenih avansa za 2015, 16 i 17 godinu, ugovorom o najmu poslovnog prostora od 26.05.2014, notarski obrađenim ugovorom broj OPU-335/2017, saglasnosti broj 07-753/17 od 14.02.2017., kompenzacijama broj 32/17, broj 1710/17 i broj 08/17 zajedno sa uplatnicama i konačnom fakturom broj 25/17 od 28.02.2017.; Kartica dobavljača Kovačević Branko za 2017 godinu sa ugovorom od 28.04.2017. godine i fakturom broj 1/17 od 28.04.2017.; „Kartice ulaznog i izlaznog PDV-a za pravno lice „HORIZONT“ d.o.o. Banja Luka, konto brojeva: 4790, 471001, 470101, 470001, 2791,271001, 4790, 472001, 471001, 470101, 470001, 2791, 271001, 270001, 242007, 242006, 242003, 242001, 241007, 241006, 241005, 241003, 241002 i 241001; Kartice ulazno-izlaznog PDV-a sa karticama računa za pravno lice „HORIZONT“ Banja Luka, konto brojeva: 4790, 242005, 242004, 270001 i 4790; Kartice kupaca za konto 2010, kartice primljenih avansa za konto 4302 i kartice dobavljača za konto 4320; Bruto bilanse pravnog lica „HORIZONT“ d.o.o. Banja Luka za 2014, 2015, 2016, 2017 i 2018. godinu; Knjiga izlaznih faktura pravnog lica „HORIZONT“ d.o.o. Banja Luka za 2014, 2015, 2016, 2017 i 2018. godinu; Knjiga ulaznih faktura pravnog lica „HORIZONT“ d.o.o. Banja Luka za 2014. godinu, Knjiga ulaznih faktura pravnog lica „HORIZONT“ d.o.o. Banja Luka za 2015. godinu, Knjiga ulaznih faktura pravnog lica „HORIZONT“ d.o.o. Banja Luka za 2016. godinu, Knjiga ulaznih faktura pravnog lica „HORIZONT“ d.o.o. Banja Luka za 2017. godinu, Knjiga ulaznih faktura pravnog lica „HORIZONT“ d.o.o. Banja Luka za 2018. godinu, Rješenje grada Banja Luka broj 03,360-84/13 od 10.06.2014. godine, broj 03-360-290/14 od 04.12.2014. godine, broj 03-360-61/15 od 01.06.2015 godine, broj 03-360-45/13 od 18.06.2013 i broj 03-360-179/16 od 29.07.2016. godine; Akt UIO –

RC Banja Luka br. 05/4-3/I-09-2-157-9/19 od 30.04.2019. godine, Akt UIO – RC Banja Luka br. 05/4-3/I-18-3-70-102/19 od 20.03.2018. godine, Zapisnik o kontroli UIO – RC Banja Luka br. 04/5-2/I-17-1-55-492-1/19 od 10.04.2019. godine sa popratnim aktom UIO – RC Banja Luka br. 04/5-2/I-18-3-70-102-2/19 od 12.04.2019. godine, Akt UIO – RC Banja Luka br. 05/4-3/I-09-2-157-4/19 od 15.04.2019. godine, Akt Eko toplane Banja Luka d.o.o. Banja Luka br. 2862-2/19 od 22.04.2019. godine, Akt UIO – RC Banja Luka br. 05/4-3/I-09-2-157-6/19 od 19.04.2019. godine, Akt UIO – RC Banja Luka br. 05/4-3/I-18-3-70-126/19 od 01.04.2019. godine, Akt UIO – RC Banja Luka br. 04/5-18-3-70-126-2/19 od 05.04.2019. godine sa poreskom karticom pravnog lica „HORIZONT“ d.o.o. Banja Luka kao prilogom, Akt UIO – RC Banja Luka br. 05/4-3/I-18-3-70-135/19 od 09.04.2019. godine, Akt UIO – RC Banja Luka br. 02/6-2/I-18-3-70-135-2/19 od 16.04.2019. godine, Akt Okružnog privrednog suda Banja Luka br. 057-0-Su-19-000212 od 15.03.2019. godine, Aktuelni izvod iz registra Okružnog privrednog suda u Banjoj Luci br. 057-0-Su-19-000212 od 11.03.2019. godine, Istorijski izvod iz registra Okružnog privrednog suda u Banjoj Luci br. 057-0-Su-19-000212 od 11.03.2019. godine, Rješenje o registraciji Okružnog privrednog suda u Banjoj Luci br. 057-0-Reg-14-000812 od 02.04.2014. godine, Rješenje o registraciji Okružnog privrednog suda u Banjoj Luci br. 057-0-Reg-11-002540 od 24.10.2011. godine, Rješenje o registraciji Okružnog privrednog suda u Banjoj Luci br. 057-0-Reg-11-001346 od 01.09.2011. godine, Rješenje o registraciji Okružnog privrednog suda u Banjoj Luci br. 057-0-Reg-10-002211 od 20.01.2011. godine, Rješenje o registraciji Okružnog privrednog suda u Banjoj Luci br. 057-0-Reg-09-000552 od 08.04.2009. godine, Rješenje o registraciji Osnovnog suda u Banjoj Luci br. 071-0-Reg-09-000413 od 27.03.2009. godine, Rješenje o registraciji Osnovnog suda u Banjoj Luci br. 071-0-Reg-06-001098 od 07.06.2006. godine, Rješenje o registraciji Osnovnog suda u Banjoj Luci br. U/I 2827/05 od 31.10.2005. godine, Rješenje o registraciji Osnovnog suda u Banjoj Luci br. U/I 978/04 od 01.06.2004. godine, Nalaz i mišljenje stalnog sudskog vještaka iz oblasti ekonomije Mirsada Šarića br. 274/2019 od 23.08.2019. godine, Zapisnik UIO – RC Banja Luka br. 05/4-3/I-486/INT/19 od 16.04.2019. godine o saslušanju svjedoka Milošević Gordane, Zapisnik UIO – RC Banja Luka br. 05/4-3/I-516/INT/19 od 19.04.2019. godine o saslušanju svjedoka Šehić Denisa, Zapisnik UIO – RC Banja Luka br. 05/4-3/I-516/INT/19 od 19.04.2019. godine o saslušanju svjedoka Ljutić Ramiza, Zapisnik UIO – RC Banja Luka br. 05/4-3/I-493/INT/19 od 17.04.2019. godine o saslušanju svjedoka Petonjić Ivana, Izvod iz kaznene evidencije Ministarstva unutrašnjih poslova Unsko-sanskog kantona – PS Bihać br. 05-04/07-1-1628/19 od 28.03.2019. godine, Zapisnik Tužilaštva BiH o ispitivanju zastupnika pravnog lica „HORIZONT“ d.o.o. Banja Luka u krivičnom postupku br. T20 0 KTPO 0016998 19 od 02.09.2019. godine, Zapisnik Tužilaštva BiH o ispitivanju osumnjičenog Kovačević Branka br. T20 0 KTPO 0016998 19 od 02.09.2019. godine, Uvjerjenje UINO BiH, RK Banja Luka, broj: 02/6-I-16-11-24-303/20 od 15.01.2020. godine; Rješenje Tužilaštva broj T20 0KTPO 0016998 19 od 06.09.2019. godine kojim je vještaku Mirsadu Šariću isplaćena nagrada od 1.000,00 KM.

Nakon predočavanja dokaza od strane Tužilaštva BiH optuženi Kovačević Branko i njegov branilac, te zastupnik optužene pravne osobe nisu imali primjedbi na prezentirane dokaze, naglašavajući da su prethodno uredno i blagovremeno primili sve dokaze na kojima se temelji optužnica, te da su imali priliku izvršiti uvid u navedene dokaze optužbe i upoznati se sa njihovim sadržajem.

Nakon saslušanja stranaka, branitelja, i zastupnika pravne osobe, te uvida u izvršene dokaze, Sud je prihvatio sporazume o priznanju krivice/odgovornosti, broj: T20 0 KTPO 0016998 19 od 25.02.2020. godine, zaključene između tužioca Tužilaštva BiH i Kovačević Branka, zastupanog po braniocu advokatu Rakić Dejanu, i pravne osobe Horizont doo Banja Luka, zastupane po zakonskom zastupniku Stojaković Đorđu. Sud je zaključio da ima dovoljno dokaza koji potkrepljuju krivicu/odgovornost optuženih, kao i da su sporazumi zaključeni dobrovoljno, svjesno i sa razumijevanjem.

Zaključak da su optuženi počinili krivičnopravne radnje koje im se stavljaju na teret i za koje se oglašeni krivim/odgovornim u izreci ove presude, Sud zasniva na prihvatanju izjava optuženih kojim su priznali u cjelosti djelo koje im se stavlja na teret optužnicom, te dovodeći priznanje u vezu sa provedenim dokazima, koje je Sud ocijenio i prihvatio kao istinite, objektivne i nesporne, utvrđeno je da su opisanim radnjama optuženi ostvarili sva bitna obilježja krivičnog djela koje im se stavlja na teret. Takođe, Sud je našao da je u inkriminisanom periodu optuženi Kovačević Branko postupao u uračunljivom stanju i sa umišljajem, odnosno sa sviješću i voljom da ostvari zabranjenu posljedicu.

V - Pretres za izricanje krivičnopravne sankcije

Na održanom i provedenom pretresu za izricanje krivičnopravne sankcije optuženim licima tužilac, optuženi i njegov branilac, odnosno zastupnik pravne osobe su saglasno predložili da se optuženima izreknu krivičnopravne sankcije onako kako je to predloženo Sporazumima.

Na održanom pretresu tužilac je naveo da je prilikom sklapanja sporazuma Tužilaštvo uzelo u obzir činjenicu da je priznanje krivice/odgovornosti uslijedilo na početku glavnog pretresa, da su od pokretanja krivičnog postupka saradivali sa tužilaštvom. Naročito je istaknuta činjenicu da su optuženi u cjelosti izmirili poreske obaveze, da do sada nisu osuđivani, da pravna osoba zapošljava veći broj radnika koji ovim radom izdržavaju svoje porodice. U odnosu na lične i porodične prilike optuženog, tužilac je naveo da se radi o porodičnom čovjeku, ocu petoro djece, do sada neosuđivanom. Sve navedeno, po stavu optužbe, ukazuje da predložena kazna zatvora u trajanju od 1 (jedne) godine zatvora, iako se radi o kazni ispod zakonskog minimuma zaprijećenog odredbom člana 210. stav 4. KZ BiH, ipak u potpunosti odgovara ostvarivanju svrhe generalne i specijalne prevencije. Branilac optuženog se saglasio sa izlaganjem postupajućeg tužioca, i ponovio činjenicu da je optuženi izmirio sve obaveze prema Upravi za indirektno oporezivanje BiH, zajedno sa kamatama. Branilac je takođe naveo da se optuženi pokajao i priznao krivicu, te je poduzeo i sve mjere i radnje da se ovakva situacija ne bi više ponovila. U odnosu na ličnost optuženog, naveo je da se radi o istaknutom sportskom radniku, članu uprave FK Borac, osobi koja učestvuje u humanitarnom radu, odnosno aktivnom licu u društvenoj zajednici.

Optuženi Kovačević Branko se saglasio sa izlaganjem branioca, te istakao svoje kajanje za počinjenje djela koje mu se stavlja na teret.

Zastupnik pravne osobe se pridružio navodima branitelja optuženog Kovačević Branka, predložio da Sud prihvati zaključeni sporazum, smatrajući da će se predloženom sankcijom ostvariti specijalna i generalna prevencija, naročito imajući u vidu da pravna osoba do sada nikada nije bila u sukobu sa zakonom.

VI - Odluka o krivičnopravnim sankcijama i troškovima krivičnog postupka

U pogledu krivičnopravnih sankcija Sud je prihvatio ugovorene kazne te pravnoj osobi izrekao novčanu kaznu u iznosu od 15.000,00 KM, a optuženom Kovačević Branku izrekao kaznu zatvora u trajanju od jedne (1) godine, te mu izrekao novčanu kaznu u iznosu od 10.000,00 KM kao sporednu kaznu, cijeneći da su izrečene kazne srazmjerne stepenu krivice/odgovornosti, okolnostima pod kojima je djelo učinjeno, ranijem životu optuženog, osobnim prilikama i držanju nakon učinjenog krivičnog djela.

Sud je na strani optuženog Kovačevića kao olakšavajuće okolnosti cijenio izrazitu saradnju, na koju je tužilac i ukazao, još od najranije faze postupka, njegovo potpuno i iskreno priznanje, a što

je sve u konačnici doprinijelo efikasnosti i ekonomičnosti postupka. Nadalje, Sud je cijenio i porodične i profesionalne prilike optuženog, te činjenicu da se radi o neosuđivanom licu. Na strani optuženog Sud nije našao otežavajuće okolnosti, niti je tužilac prezentovao takve okolnosti.

Po ocjeni Suda, sve navedene okolnosti u svojoj ukupnosti čine osobito olakšavajuće okolnosti, te u smislu odredbe člana 49. KZ BiH, predstavljaju osnov za ublažavanje kazne ispod granice koja je zakonom propisana za počinjeno krivično djelo. Sud je optuženom izrekao kaznu zatvora u trajanju od jedne (1) godine uz ocjenu da je ista kazna srazmjerna težini počinjenog krivičnog djela, stepenu krivice optuženog i da će se istom omogućiti ostvarenje svrhe kažnjavanja, na način da se utiče na optuženog da ubuduće ne čini krivična djela (specijalna prevencija), kao i na ostale da ne čine krivična djela (opšta prevencija), te da se utiče na svijest građana o štetnosti istih i pravednosti kažnjavanja. Sud je optuženom izrekao i novčanu kaznu u iznosu od 10.000,00 KM kao sporednu kaznu, a cijeneći molbu odbrane, za plaćanja odredio maksimalni zakonski rok od 6 mjeseci. Pri tome, Sud upozorava da ukoliko optuženi djelimično ili u cjelosti ne plati novčanu kaznu u datom roku, na osnovu odredbi člana 47. KZ BiH, novčana kazna će se zamjeniti kaznom zatvora tako što će se za svakih započelih 100,00 (stotinu KM) novčane kazne odrediti jedan dan zatvora, s tim da ne može prekoračiti propisanu kaznu za to djelo, a ako se isplati samo dio novčane kazne, ostatak će se srazmjerno pretvoriti u kaznu zatvora.

U odnosu na pravnu osobu "Horizont" doo Banja Luka, Sud je prilikom izricanja sankcije, cijenio činjenicu da se radi o pravnoj osobi u kojoj je zaposlen veći broj ljudi i od čijeg poslovanja finansijski zavise mnoge porodice, kao i činjenicu da pravna osoba ranije nije kažnjavana. Naročito Sud je uzeo u obzir da je poreski obaveznik, odnosno pravno lice izmirilo poreske obaveze prema Uprava za indirektno oporezivanje a koje su nastale počinjenjem krivičnog djela.

Odredbom člana 110. stav 1. KZ BiH, kao opće načelo, propisano je da niko ne može zadržati imovinsku korist pribavljenu krivičnom djelom, dok je odredbom stava 2. istog člana propisano da će se korist iz stava 1. ovog člana oduzeti sudskom odlukom kojom je utvrđeno da je krivično djelo učinjeno, pod uslovima propisanim ovim zakonom.

Dakle, polazeći od navedenih odredbi, Sud je bio u obavezi od optuženog pravnog lica, oduzeti imovinsku korist pribavljenu izvršenjem krivičnog djela u iznosu od 358.428,00 KM, koji iznos odgovara visini utajenog poreza. Međutim, na ročištu za razmatranje sporazuma o priznanju krivice/odgovornosti Sudu je prezentiran validan dokaz (Uvjerenje UINO BiH, RK Banja Luka, broj: 02/6-I-16-11-24-303/20 od 15.01.2020. godine) da poreski obaveznik, odnosno optužena pravna osoba "Horizont" doo Banja Luka, na dan 15.01.2020. godine nema dospjelih a neizmirenih obaveza po osnovu indirektnih poreza, što ukazuje da je poreski obaveznik izmirio svoja dogovanja prema Budžetu Bosne i Hercegovine.

Član 188. stav 1. ZKP BiH propisuje da će se u slučaju kada Sud optuženog oglasi krivim, izreći u presudi da je dužan nadoknaditi troškove krivičnog postupka. U konkretnom slučaju stranke i branilac, odnosno pravni zastupnik su prilikom zaključivanja sporazuma pristale da optuženi solidarno nadoknade troškove krivičnih postupka nastale pred Tužilaštvom u iznosu od 1.000,00 KM. Međutim, na ročištu za razmatranje sporazuma, optuženi Kovačević je naveo da je saglasan da samo on lično izmiri troškove krivičnog postupka.

Kada je u pitanju odluka o troškovima, Sud je optuženog Kovačevića obavezao na naknadu svih troškova krivičnog postupka u iznosu od 1.193,00 KM (troškovi isplaćeni vještaku finansijske

struke¹ i troškovi isplaćeni svjedocima²), te sudskog paušala u visini od 100,00 KM, koje je dužan platiti u roku od 60 (šestdeset) dana od dostave ove presude, pod prijetnjom prinudnog izvršenja.

Protiv ove presude dozvoljena je žalba vijeću Apelacionog ocjerenja Suda BiH u roku od 15 dana od dana primitka iste, uz napomenu da nije dozvoljeno pravo žalbe na krivičnopravne sankcije koje su izrečene na osnovu prihvaćenih sporazuma o priznanju krivice/odgovornosti optuženih (izrečene kazne), niti je dozvoljena žalba na vrstu procesa (član 231. ZKP BiH).

DOSTAVITI:

1. Tužilaštvo BiH,
2. Branitelj,
3. Optuženi,
4. Zastupnik pravne osobe,
5. U spis.

**ZAPISNIČARKA
PРАВNA SAVJETNICA**

Ilvana Hadžić

**SUDIJA
PREDSJEDNIK VIJEĆA**

Goran Radević

¹ Rješenje Tužilaštva broj T20 OKTPO 0016998 19 od 06.09.2019. godine kojim je vještaku Mirsadu Šariću isplaćena nagrada od 1.000,00 KM.

² Rješenja Suda BiH broj S1 2 K 031657 19 K od 03.02.2020.godine kojima je svjedocima optužbe Ljutić Rasimu i Petonjić Ivanu isplaćen ukupan iznos od 193,00 KM